



Fidoyilik —
Vatanga xizmat demak!

2023-yil 20-iyul, payshanba,
86 (23.807)-son

**KUN
HIKMATI**

Diplomga
qiziqib, bilim
kerakligini
unutib
qo'ydik

1913-yil aprel oyidan chiqqa boshlagan



www.zarnews.uz <https://www.facebook.com/zarnews.uz> https://twitter.com/zarnews_uz



HOJILAR MUBORAK SAFARDAN QAYTDI

17-19-iyul kunlari Samarqand xalqaro aeroportida muborak Haj ziyoratini ado etib qaytgan yurtdoshlarimiz ehtirom bilan kutib olindi. Ulug' safar davomida vatandoshlarimiz Saudiya Arabistonining Madina va Makka shaharlarida bo'lib, Haj amallarini mukammal ado etishdi.

- Kecha "Jidda-Samarqand" aviayo'nalishi bo'yicha yurtimizga qaytdik, - deydi "Nurobod" gazetasi muharriri Nodira Botirova. - Turmush o'rtog'im bilan o'n yildan beri shu qutlug' ziyoratni orzu qilardik. Nasib etgan ekan, bu yil niyatlarimiz amalga oshdi. Shu kunlarga yetkazganiga shukr. Bu yil viloyatimizdan 912 nafar fuqaroga haj ziyoratini ado etish nasib etdi. Ular Arafot tog'i, Mino va Muzdalifa vodiylarida ibodatlar chog'ida bugungi kunlar uchun shukronalar aytib, Allohdan yurtimizga fayz-baraka, xalqimizga farovonlik so'rab duo qildilar. **To'liq SIDDIQOV.**

Viloyatimizda faoliyat yuritayotgan qishloq xo'jaligi xodimlari, xususan, viloyat qishloq xo'jaligi boshqarmasining paxtachilik bilan shug'ullanuvchi mutaxassislari, paxtachilik klasterlari rahbarlari, fermerlar o'zaro tajriba almashish maqsadida Sirdaryo tumanida bo'ldi.

Viloyat hokimining o'rinbosari Sh.Xudoyberdiyev bosh bo'lgan samarqandlik agrar soha xodimlari dastlab tumandagi "PENG SHENG" O'zbekiston-Xitoy qo'shma korxonasi ishlab chiqarilayotgan va qayta ishlanayotgan qishloq xo'jaligi mahsulotlari bilan tanishdi. Xususan, qo'shma korxonada tasarrufidagi xo'jalikda bo'lib, bu yerda chigit ekilishi vaqtida seyalkalarning tomchilatib sug'orish texnologiya va uskunalarini qanday yerga joylashtirgani, bu usulning suv resurslari va g'o'za qator oralariga ishlov berishdagi tejamkorligi, kam xarajat qilib, ko'p foyda olish jarayonlarini kuzatishdi.

- Paxta klasteri rahbar va mutaxassislari, fermerlarimiz ushbu usulning har tomonlama foydali ekanligiga guvoh bo'lishdi, - deydi viloyat qishloq xo'jaligi boshqarmasi boshlig'i S.Hakimov. - Bu usulda ekilgan maydonlardagi g'o'zaning holati boshqa maydonlardagiga qaraganda ancha bo'liq. Ya'ni, g'o'za shoxlari ko'p, ko'saklar katta, hosildor va ertapishar ekani yaqqol ko'rinib turibdi. Kelgusi yilda viloyatimizning paxta yetishtirilayotgan barcha tumanlaridagi ma'lum maydonlarda shu usulda g'o'za yetishtirishni yo'lga qo'yamiz.

O'z muxbirimiz.



SIRDARYODAN O'RGANAMIZ

Yengil atletikaning uch hatlab sakrash yo'nalishi bo'yicha yoshlar o'rtasida Osiyo va jahon chempioni, "Kon-ya-2021" Islom birdamligi o'yinlari g'olibi samarqandlik Sharifa Davronova Osiyo yengil atletika assotsiatsiyasi tomonidan "Yilning eng yaxshi yosh yengil atletikachisi" deb e'tirof etildi.

Sharifa DAVRONOVA —

OSIYONING ENG
YAXSHI YOSH YENGIL
ATLETIKACHISI



Joriy yil Osiyo miqyosida yoshlar o'rtasida o'tadigan musobaqalar yakuniga yetdi. Sharifa poytaxtimiz mezbonlik qilgan Osiyo chempionatida 13,99 metr natija qayd etgan edi. Bu yil davomida nafaqat qit'a, balki jahon miqyosida yoshlar toifasidagi eng yuqori ko'rsatkich bo'lib turibdi.

UCH OYLIK YOZGI TA'TIL ZARURATMI YOKI AN'ANA?

“Zarafshon”
bong uradi

YOKUD HAMMA BILADIGAN, LEKIN HECH KIM SHUG'ULLANMAYDIGAN MUAMMO XUSUSIDA

Yaqinda Amerikada oilaviy yashayotgan tanishim bilan suhbatda bo'ldim. “Yozgi ta'tilda bolalaringiz zerikkandir, qishloqqa jo'natmaysizmi?”, degan savolimga u “Bu yerda ta'til bekorchilik uchun berilmaydi”, deya javob berdi. Uning aytishicha, Amerikada bolalar yozda ham maktabdan uzoqlashmay, turli to'garak va qo'shimcha mashg'ulotlarda qatnashadi. Ayni amaliyot o'zlashtirishi sust bolalar uchun majburiy hisoblanarkan. Tabiiyki, bu menda qator savollarni keltirib chiqardi. Amerikalik o'qituvchilar yozda dam olishmaydimi? Umuman, yozgi ta'til o'quvchi va o'qituvchi hayotida qanday o'rin tutadi?



XORIJDAGI MAKTABLAR
HUVULLAB QOLMAYDI

Mazkur savollar asosida ma'lumot to'plashga harakat qildim. Keling, avvalo, Amerikadagi yozgi ta'til masalasiga batafsilroq to'xtalamiz. Qo'shma Shtatlardagi ta'lim ta'tillari haqida bir nechta manbalarni solishtirib bildimki, bu yerda har bir shtat ta'tillar vaqti va muddatini o'zi belgilay ekan. Uning muddati shuningdek, maktab o'quvchilarining yoshiga qarab ham farqlanishi mumkin. Aytaylik, boshlang'ich sinf o'quvchilariga ko'proq ta'til berilsa, yuqori sinfdagilarga teskarisi. Yozgi ta'til ko'pi bilan 9-10 hafta davom etadi. Aksariyat shtatlarda darslar avgust oyidan boshlanadi. Yana savol tug'iladi, amerikalik o'quvchilar kamroq dam oladimi? Yo'q, umumiy hisobda u yerdagi o'quv kunlari (180 kun davlat muassasalari va 170 kun xususiy maktablarda) biznikidan kamroq. Faqat Amerikada ta'tillar vaqti nisbatan mutanosib taqsimlangan.

— 14 yildan buyon oilam bilan Amerikadami, - deydi Nyu-York shtatidagi 180-davlat maktabida hamshira bo'lib ishlayotgan Nigora Indiaminova. - Bizning maktabda yozgi ta'til 28-iyunda boshlanib, 8-sentabrga qadar davom etadi. Bu oraliqda maktabning huvullab qolganini ko'rmaysiz, yozgi ta'tilda uyida qolgan o'quvchilarning ko'pchiligi vaqtini shu yerda o'tkazadi.

Aytish joizki, yoshlarning bo'sh vaqtini maqsadli tashkil etish hukumat nazoratida hamda maktablarda buning uchun barcha sharoitlar yaratiladi. To'garaklar yil davomida faoliyatini to'xtatmaydi.

Ta'lim haqida gapirganda, albatta, Yaponiyani tilga olmaslikning iloji yo'q. Buni qarangi, kunchiqar mamlakatda o'quvchilarning sentabrda emas, aprel oyidan boshlanar ekan. Yozgi ta'til esa 20-iyuldan avgust oyining oxirigacha (besh hafta) davom etadi.

Darvoqe, Yaponiyadagi maktablarda darslar ikki navbatda o'tiladi. O'quvchining erta tongdan kechgacha maktabda bo'lishi oddiy hol va bu hech kimni xavotirga solmaydi. Aksincha, ta'lim maskanida bolalarning vaqti to'g'ri tashkil etiladi.

Guvohi bo'lganingizdek, yapon maktablaridagi yozgi ta'til ham bizning standartlarimiz bo'yicha juda qisqa. Ularning fikricha, o'quvchining hordiq chiqarishi uchun besh hafta ortig'i bilan yetadi. Shunga qaramay, ta'tilda bolalarning aksariyati maktabga borishda davom etadi. Sababi, dam olish kunlarida u yerda o'qituvchilar yoki qo'shimcha taklif etilgan murabbiylar boshchiligidagi “qiziqish” guruhlari ochiladi. Shu tarzda yoshlar yangi faoliyatni ham o'ziga tanish muhitda o'rganishi mumkin bo'ladi.

(Davomi 4-sahifada) >>>

Payariqdagi sayyor qabulda bir mahalladan

40 dan ziyod murojaat bo'lgan

Xabaringiz bor, 5-iyul kuni viloyat hokimi Erkinjon Turdimov Payariq tumani markazida aholi uchun navbatdagi sayyor qabulini o'tkazdi. Unda 1 ming 600 dan ziyod murojaat ro'yxatga olingan. Murojaatlarning 1 ming 200 tasi tuman aholisidan tushgan. Mustaqillik va Farovon mahallalarining har biridan turli masalalardagi 40 dan ziyod murojaat qayd etilgan.



Sayyor qabuldan so'ng

MUROJAATLAR
NEGA KO'P?

Mustaqillik mahallasi tuman markazida joylashgan. Keyingi yillarda olib borilgan qurilish-bunyodkorlik ishlari natijasida hudud birmuncha obod bo'lgan. Markaziy va ayrim ichki ko'chalar asfaltlangan. Aholining turmush farovonligini yaxshilash maqsadida zarur choralar ko'rilgan. Ammo viloyat hokimining sayyor qabulida eng ko'p, ya'ni 45 ta murojaat aynan shu hudud aholisidan tushgan. Buning sababini mahalla fuqarolar yig'ini raisi Hikmatilla Qosimov shunday izohlaydi:

- Avvalo, odamlar qulay sharoitlarda yashashni istaydi. Atrofdagi o'zgarishlarga befarq emas. Qolaversa, sayyor qabul mahallamizga yaqin joyda o'tkazildi. Murojaatchilar barchasi mahalla yoki tumanda hal etib bo'lmaydigan masalalarni o'rtaga tashlagan. Jumladan, sud-huquq, qurilish, elektr energiyasidagi muammolar. Sayyor qabuldan keyin elektr tarmoqlari korxonasi xodimlari kelib, murojaatlarni o'rgandi. 3 ta transformator, 95 ta beton ustun va shunga yarasha elektr simlari zarur ekanligi aniqlandi va bu muammolarga yechim topishga kirishildi. Bugungi kunda 20 ta beton ustun Amir Temur guzari uchun ajratildi.

(Davomi 2-sahifada) >>>

(Davomi. Boshlanishi 1-sahifada).

BIZDA-CHI? BOLALAR YOZGI TA'TILNI QANDAY O'TKAZYAPTI?

Ma'lumotlarga ko'ra, yakunlangan o'quv yilida viloyatdagi 1265 ta maktabda o'quvchilar soni 756881 nafarni tashkil etgan. Bizda o'qituvchilar yozda yoppasiga mehnat ta'tiliga chiqarilishini inobatga olsak...

UCH OYLIK YOZGI TA'TIL ZARURATMI YOKI AN'ANA?

YOXUD HAMMA BILADIGAN, LEKIN HECH KIM SHUG'ULLANMAYDIGAN MUAMMO XUSUSIDA



unchalik qiyin bo'lmadi. Biz shunchaki bolalardan qachondan beri oromgohga qatnayotganliklari haqida so'radik. O'tandani o'z qizitisi birinchi marta kelayotganini aytdi. Valolanki, o'sha vaqtda ikkinchi navbatga jalb etilgan bolalar 7 kundani beri mashg'ulot o'tayotgan bo'lishi kerak edi...

ning o'zi yo'q. Harqalay, bolalar mehnatidan voz kechdik, qishloq xo'jaligi sohasi ham texnikalashib bormoqda. PEDAGOG MEHNAT TA'TILIDAN MANFAATDOR EMAS(MI?) Maktab va maktabgacha ta'lim vazirligi bergan axborotga ko'ra...

degan fikrda. Bu birxillikdan zerikan yoshlarni chalg'itish hisobiga amalga oshiriladi. Buning uchun esa 3 oy maktabdan voz kechish shart emas, nazarimizda. Tasavvur qiling, olimpiadaga borishi kerak bo'lgan sportchi musobaqadan oldin uch oy mashg'ulotlarga qatnashmay, dam olsa...

GAZETA TARIXNI ESLATADI 1984-yilda "Paxtachi" gazetasida muxbir bo'lib ishlardim. Sentabr oyining boshida muharririmiz Ismoil aka Ibrohimov xonasiga chaqirib, "Paxtakor" jamoa xo'jaligi hududida Abdusalom Rahmonov ismli Ikkinchi jahon urushi qatnashchisi yashashi, ertaga unika Qozg'istonning Jambul viloyatidan Boybo'sin ismli frontdoshi kelayotgani haqida gapirib, ularning uchrashuvidan reportaj qilishimni topshirdi.

NEGA YOZGI TA'TIL AYVAN UCH OY DAVOM ETADI? Isonish qiyin, lekin shu savol bilan bir emas, o'nlab pedagog va mutaxassislar, faxriy ustozlarga murojaat qildik. Deyarli barchasining javobi, "Bu haqda o'ylab ko'rmagan ekanmiz", bo'ldi. Nahotki, sobiq ittifoq davridan buyon davom etayotgan an'ananing pedagogik yechimi yoki tahillari natijalari yo'q?

XULOSA SHUKI... Birinchidan, barcha oromgohlarimiz ham talabga javob bermayapti, aksariyati nomigagina, hisobot uchun ishlabmoqda. O'qituvchilarning salomatligini tiklash dambirlari, xususan, sanatoriy masalasi ham shunday. Ikkinchidan, yozgi oromgohlarga jalb qilingan pedagoglar mehnatidan manfaatdor emas. Demak, mashg'ulotlardagi sifat ham shunga yarasha bo'lyapti.

SHU OYDA TAVALLUD TOPGANLAR 20-IYUL Erkin QAYTAROV - 1958-yilda Payariq tumanida tug'ilgan. O'zbekistonda xizmat ko'rsatgan artist. Georgiy ZLOSKIY - 1938-yilda tug'ilgan. Pedagogika fanlari doktori. 22-IYUL Saidali MIRZAYEV - 1939-yilda Samarqand shahrida tug'ilgan. Ganchkor. O'zbekiston xalq ustasi. 30-IYUL Oydinniso HAMROYEVA - 1952-yilda Kattaqo'rg'on tumanida tug'ilgan. O'zbekiston Respublikasi xalq o'qituvchisi.

MATBUOT UYI Zarafshon Samarqandskiy Vestnik

MUASSIS: Samarqand viloyati hokimligi Bosh muharrir: Farmon TOSHEV Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 16 430 nusxada chop etildi. Buyurtma 393. Hajmi 2 bosma taboq, bichimi A-2

Gazeta «Zarafshon» tahririyatining kompyuter bo'limida sahifalandi. «Noshir lux» MCHJ bosmaxonasida chop etildi. Korxonaning manzili: Samarqand shahri, Spitamen ko'chasi, 270-uy. Bosishga topshirish vaqti: soat 18:30 da. Bosishga topshirildi: soat 19:00

Navbatchi muharrir: A.SHERXOLOV. Navbatchi: O'.XUDOYBERDIYEV. Sahifalovchi: B.ABDULLAYEV. ISSN-201667X 9 772010 667009